

AGNI OCCISI FORTITVDO ORATIO.

IO. PAVLI FARNESII E SOC. IESV

Habita

AD SANCTISS. D. N.
VRBANVM VIII.

In Sacel Pontif. Vatic. ipso Parascl. die.



ROMÆ, Apud Vitalem Mascardum, MDCXXXVIII.

SVPERIORVM PERMISSV.

1200000 1000000

1000000 1000000

1000000 1000000

1000000 1000000

1000000

1000000 1000000

1000000 1000000

1000000 1000000

1000000 1000000

1000000 1000000

1000000 1000000

1000000 1000000

1000000 1000000

1000000 1000000

1000000 1000000

3

Emin.^{mo} Principi
FRANCISCO
CARD. BARBERINO
S. R. E.
VICECANCELLARIO

Io. Paulus Farnesius è Soc. IESV F.



RISTIS ac molesta res est 3. Eth. 9.

Fortitudo; *Flos eius perperessio
malorum; Fax eius Atrocitas
Bellica, ferro ad faciendum
aptiori, quam ad patiendum
armata: Interno praelio cum
Intimo hoste, Animo non Cor-
pore, Humanitate non Feritate pugnandum.*

*Hæc seuerioris dogmata disciplinæ, cum in
umbra Lycei Ethicis Problematibus, pro mu-
nere meo, Auditoribus explicarem, perbelle ceci-
dit ex insperato, ut quæ delineamenta Viriutis,*

A 2 in pe-

in perituris chartis Philosophico calamo tradideram adumbrata, eadem in æternæ Veritatis paginis, Dei pœnis exarata felicius, liceret in Sacro Romanæ Purpuræ lumine collocare. Patientissimus AGNVS humanæ salutis telam à rerum asperitatibus orsus, ærumnis nauiter totam subinde pertexuit, non nisi ut in ea Diuinus Apelles, admoto veluti tabulæ digito Dei, sanguinis sui coloribus absolutæ Fortitudinis pingere simulacrum. Hoc, quod Heroicis moribus exprimis, offero tibi Eminentiss. Princeps. Tuo candori debetur AGNVS occisus, cuius in sanguine dealbaris. Tui Pectoris est, qui demissione Christiana Fastum in sublimitate castigas, Auctoritate qua promines, prostratum AGNVM erigere, ne pessum detur. Eius in Cruce reconditam Fortitudinem, qua super omnia gloriaris, dò tuo Nomini defendendam.

De Fortitudine, Audacia hæc ne mea? Tolerantiæ profecto tuæ monumentum, nostris extabit in Cordibus immortale; quod eandem cum AGNO rudioris asperitatem styli, patientibus non solum auribus, sed etiam oculis, hoc est toto ore, qua soles humanitate, pertuleris. Vale.

ORATIO.



VGUSTAS AGNI

cadentis inter crucia-
menta victorias, B. P.
atrocissima hæc dies,
tormentorum imma-
nitate præliaris, quæ
multo Dei sanguine

salutem mortalibus peperit, tot encomijs
prædicat, quot singultibus. Inermem exer-
citiuum Deum fortissima militiæ decora,
præferentem venerabundi suspicimus; nu-
datum, sed spolijs inimicorum onustum;
vegetum tunc experimur maximè, cùm vi-
detur eneruis, cum extinctus, tunc maxi-
mè Animosum. Tanti nouitatem certami-
nis, attonita cum primis Natura corporibus
admiratur; Sol sacra nocte pullatus hæret;
Tellus iners diuino madefacta Sanguine nati-
uam exosa quietem suis dimouetur sedibus,
defunctorum animatur cadauera, dum ani-
mam exhalat Vita, vt mortem interimat;
Tēpli cortina scinditur, vt *fortitudo abscon-* Abac. 3.
ditæ reueletur. Tota igitur stupente natura,

A

3

nos

nos etiam, quorum causâ certatur, prodigioso Spectaculo, admirantis obsequium animi dedicemus.

Primùm in loco pascuæ, hoc est in horto incipit AGNVS pauere; vt videlicet proprio in campo aduersus Timorem mortis, iuratum Fortitudinis hostem, suę Magnanimitatis Specimen præbeat. Militari timet arte, non impulsu naturæ. Nouit, nullum esse Tyrannum, excruciantis mortalium cordibus, Timore crudeliorem. Infensissimum hunc tranquillitatis Prædonē, in Arce Pectoris Spectatore Deo, ad singulare certamen, per fortitudinem summam prouocare voluit vt vinceret. Quo in agone, ad sudorem vsq; sanguineum defatigatus, cruento totius corporis rore, tanquam cœlesti balsamo diuinus Athleta perfusus, constantia nervos magis confirmat ad pugnam.

Diuersum hinc subit campum cum impij Alumni fraudibus decertaturus. Ori innocentissimo bilinguis Sycophanta libat oscula vipereo felle imbuta; & atram noctem eligit in hoc perfidia bellum ipsis vel tenebris formidandum. Tenetur satellitio improbitatis mitissimus AGNVS, atque à
Cha-

Charissimorum complexu diuulsus, inter fracti Apostolici exercitus ruinas, infracto stat animo solus, qui prosternendis aduersariorum turmis auxiliari manu non indiget. quin imò Petri Audaciam in Malchū acriter increpat, cuius in vulnere læsa Christi Patientia irascitur, ac potentiori dimicationis genere Gladio inposterum maledicit. Probrosū est militi, tutissima *lucis arma* tractanti, rubiginoso ferro se credere. Militaris instrumenta sæuitiæ, mitia pietatis Castra non amant; & sanæ mentis vigorem eneruant insana tormenta bellorum. Seruilibus interim implicitus vinculis raptatur per fora captiuus: ab Implacabilibus Furijs vrgetur, ac premitur; immotus tamen semper nec gradu deijcitur, sed constitutum forti animo locum constantissimè tener.

Fortitud.
materia.

Rom. 13.
Militaris,
Fortitud.
fucata,

Honestas
Fortitud.
propria.

Annæ sistitur, ibique à petulanti satellite ore contusus, non se vlcitendum Cælitum legionibus permisit, qui ex militaris disciplinæ dogmate docuerat, faciem fortiter exhibere reperiendam: neque salutem locauit in pedibus, qui spontè venerat *ostendere faciem suam, vt salui essemus*. Inde pertrahitur ad Caiphā. At, ò inuictissimam

Matt. 5.

Pf. 79.

AGNI

AGNI languentis fortitudinem, ipsis etiam suffragantibus aduersariorum calculis comprobata! *Expedi*, ut qui vnus naturà est nempe Deus, homo factus pro populo moriatur, omnes ne pereant. O à malo Iudice dictum bene,

*Nulla est victoria maior,
Quam quæ confessos animo quoque subiugat hostes.*

O Effatum inter arcanas Pontificum Vaticinationes characteribus adamantinis immortalitate donandum. Eminentissimus namque est, planeq; Diuinus Heroicę Fortitudinis actus, *pulchram per vulnera mortem pro incolumitate populorum oppetere*. Quod si inde dicitur *homo homini Deus*, quid dicetur homini ipse Deus? ut propterea Israelitici Ductor exercitus supra hostilia Ægyptiorum cadauera Arabicis oppressa fluctibus præconiũ Victori Deo decantauerit, *Quis similis tui in fortibus Domine?* Qui modo vinculis impeditus, compedibus, ac manicis obligabatur, nunc in Prætoris atrio, suis vestibibus etiam soluitur: hac nuditate stat cataphractus in acie AGNVS cum Aëreis tenebrarũ Potestatibus luctaturus.

2
rurus . Si enim paulo ante Sacerdos, sua
vestimenta scindendo, expectoratus Chri-
stum prouocauit ad pugnam, puduisset
Fortem Deum cum ignauissimo capite,
non nisi nudis artubus decertare. Sed aliud
pugnæ genus nos aduocat horribilius .
Ad pascendam teterrima laniena ferinam,
Hebræorum voluptatem, à sædissimis lora-
rijs diuerberatur ad necem . Ille ad cuius
castigationem insana se coërcebant maria;
& procellarum sidebant turbines, nunc ver-
berum grandine pulsatur, exulcerato cor-
pore totus horrescit, totus sanguine diffluit:
plagæ ingeruntur plagis, nec iam cæduntur
membra, sed vulnera. hæc tamen vulnera
AGNO patienti dant animos: crebris icti-
bus atria personant, nec minima tamen
ipsius vox, inter acerbissimos cruciatus, in-
ter execrabiles corporis lacerationes audi-
tur . In tam cruento conflictu ad constan-
tissimi Silentij arma se confert . Iure tacet,
qui defensione non indiget. O fortissimum
languentis Christi Silentium, longè effica-
cius quocunque tono tubaq; verborum. Tu
ad solum vsq; peruenis Diuinitatis; Parenti
summo cor penetras; vim infers Omnipoten-
tenti,

tenti; iram discutis; extorques Pacem, nostræq; mortis Decretum immutas.

Attrita purpura Regi gloriæ nuda humerorum protegunt, & ludicri muricis opprobrio tectum delirantes per insaniam exhibilant pannosum Deum. Nazareni cæsariem asperant aduncis vepribus; verendam supercilij maiestatem rubo frequenti obnubilant, frontemq; fidereis dignam Thiaris sermo hispido premunt. Vt in hoc etiam terrarum orbe regnet, vel ipsis Galeata inimicorum manibus Dei Sapiencia. Nimirum Corona spinea infixa capiti Christi, Ecclesiæ fixum ac firmum nec vnquam casurum portendebat Imperium. Verùm adhuc sæuit proteruum vulgus, & ingeminationis clamoribus in Christi necem coniurat. Ita ne? parum hucusque flagris; parum sentibus Diuini sanguinis fusum est? cur Scelestissimi cruentas manus exangui AGNO rursus iniicitis? cur immane pondus languido imponitis? cur per supina Golgothę trahitis prostratum Deum? Mox parenti Colle dabitur certamen extremum. Iam tuba nuncia aures perstringit. iam æris fulgor coruscat: en AGNVS verè Magnus

gnus, qui pergit Aris Victor, & Victima, ,
 Hostia triumphans ex hostibus: en ille qui
 pernicious ventorum pennis, & Angelicis *Pf. 103.*
 Cherubin alis insidens per immensa æter- *Pf. 17.*
 nitatis spatia gloriosissimè vehebatur, stat
 pronus sub Arbore bifurca Summi Parentis
 Natus. Trabale pondus Author naturæ su-
 stinet, sub quo ingemiscens tota mox con-
 uulsa cardinibus Vniuersi machina vacilla-
 bit. Baiulus Crucem extollit Fortis, in qua
 iam iam fortior extollatur, vt futurus lectus
 languoris, argumentum sit roboris, & ma-
 gnitudinem virium ponderis asserat ma-
 gnitudo. Fortis ita triumphat Deus; per cal-
 cata Mortis tela, per contracta inferni Dra-
 conis capita, per impressa vestigijs suis tu-
 mentia vitiorum colla, Immortalitatis Ca-
 pitolium victor ascendit. Ibi pendens ex
 arbore manus & pedes ferro traiectus, ha-
 sta discissus latus, totus lacer vulneribus,
 Quadrigam glorię sibi sternit quadrisido in
 Patibulo grassatorum. Tartari limina per-
 rumpit, concutit fores æneas, vectes con-
 fringit, Vmbrarum Regna, Arces, Aulam,
 Secures, Fasces constantissimè perdit; de-
 uotos ignibus spiritus post terga vincit, atq;

Super ex-
 cella de-
 ducet me
 victor.

Maledixi-
 sti sceptris
 eius.

Tentoria
 Aethiopiz
 turbabun-
 tur, & pel-
 les. Abac.
 3.

ope-

operosissima totius mundi instauratione
 peracta, in Adami Nepotes, æternæ mortis
 iura, sua præpotenti morte rescindit. Ita à
 Victima Hostis confoditur, ac letho datur.

Stabunt, quamdiu Deus erit, AGNI
 occisi Trophæa in amplissima Crucis ara,
 Regijs insculpta notis, Diuino cruore gem-
 mata, immortalis gloriæ illuminata syderi-
 bus, quibus vt luceat, faces succendet Æter-
 nitas: Imposito Moli carmine,
Dignus est AGNVS qui OCCISVS est,
accipere FORTITVDINEM,
Honorem, Gloriam, Diuinitatem.

L A V S D E O.